



**WAXAAN AADAYAA CHILDREN'S MINNESOTA OO WAXAAN KU
SOO MARAYAA SAWIR AMA CT AH WADNAHA.**

Children's
MINNESOTA



The Children's
Heart Clinic



Sawirka ama CT ah wadnaha waa raajo casri ah oo dhakhtarka ku caawineysa in baaris ahaan wax looga ogaado wadnaha iyo qulqulka dhiigga xididdada. Carruurta da' kasta ayaa la saari karaa sawirka CT. Sawirku wax dhib ah ma laha oo waa wax degdeg ah. Halkan waxaa kuugu qoran siyaabaha kala duwan ee loo qaado sawirka CT.

Maalinta ka horreysa ballanta sawirka ama CT, waa in la joojiyo cuntada ama cabbista ay ku jirto kafaa'iinka sida kafeega, soodhada ama shukulaatada.

Maalinta baarista, waxaa xoogaa biyo ah lagu soo qaadan karaa daawada subaxii ee caadiga ah.

Goor hore waa in aan kaco si aan u cuno quraac yar, ka dibna waa in aan joojiyo cuntada iyo cabitaanka saddex saac ka hor wakhtiga baarista.





Marka la soo gaaro wakhtiga ballanta, waa inay waalidku ilmaha keenaan Children's Minnesota. Marka la yimaado isbitaalka, waa in la iska soo xaadiriyo Miiska Soo-dhaweynta.


Waxaa idiin imaan doona kalkaaliye caafimaad oo ilmaha u diyaarin doona sawirka ama CT. Qofka kalkaaliye ah ayaa idiin sharxi doona sawirka CT oo su'aalo ayaad weydiin kartaan.





Kalkaalisada ayaa i geyneysa dabaqa 4aad ee isbitaalka. Ka dibna, waxaan la galayaa meel la yiraahdo 'PAR4' oo darbiyada loogu xardhay sawirgacmeed!

Waxaa ilmaha la saari doonaa
miisaan si loo ogaado
culeyska jirkooda.





Miisaanka ka dib meel darbi ah ayaa lagu cabbirayaa dhererka ilmaha. Caag dhuuban ayaa si tartiib ah loogu taabanayaa madaxa marka laga cabbirayo dhererka.

Qof kalkaaliye ah ayaa
waalidka iyo ilmaha u sii
kaxeyn doona qolka la
isugu diyaariyo sawirka
ama CT. Waxay ilmuhu
guriga ka soo qaadan
karaan alaabo uu ku
madadaasho inta loo
diyaarinayo sawirka, sida
boombale yar, alaab kale
oo lagu ciyaaro, buug
ama shaashad xalleefsan.





Waxaa cumaacunta ama
lugta hoose loogu xirayaa
calaamad ah magaca ilmaha.
Calaamaddu waa macluumaad
muhiim u ah sawika ah CT ee
ilmaha la saari doono.

Marka xigta, waa in
ilmaha loo geliyo
dharka isbitaalka si
loo saaro sawirka CT.





Qofka kalkaaliyaha
ah ayaa qalab ku
dhageysanaya wadnaha
iyo naqaska.

Kalkaalisada ayaa gacanta ilmaha wax ugu xiri doonta, oo waa qalab dhowr ilbiriqsi lagu eegi doono heerka cadaadiska dhiigga iyo garaaca wadnaha. Waa in uusan ilmuhu is dhaqaajin.





Kalkaalisada ayaa markaas ka dib cirbad faleebbe ah ku mudeysa gacanta ama lugta ilmaha. Cirbadda faleebbaha waa caag yar oo dhuuban oo xidid la gelin doono. Waa caag aad u yar oo dhuuban.

Kalkalisadu waxay gacanta
ilmaha gelineysaa cinjir buluug
ah, oo waa calaamad diyaarsan.
Calaamaddaas waxaa lagu
arkayaa xididdada, oo waxay
muuqanayaan iyagoo buluug ah.



Marka xigta, kalkaalisada ayaa maqaarka ku nadiifin doonta aalkolo qoyan oo wax yar qabow. Waxa la isticmaali karaa buufis ama kareem lagu kabuubyeynayo maqaarka, meesha la mudayo. Kabuubyeyntu waa si aan wax xanuun ah loo dareemin, oo xanuunka cirbadda faleebbaha ah waa sidii qandhuufo oo kale. Buufiska kabuubyada keena waa wax dhawaaq sameynaya oo aan xanuun lahayn. Waxay qaadan doontaa dhowr daqiiqo si ay maqaarka u kabuubyeyso.





Waxa ay ku xiran tahay daawada kabuubyada, balse waxaa la dareemi karaa qandhuufo yar oo laga dareemayo xididka yar. Marka cirbadda yar caaggeeda la geliyo xididka, cirbadda ayaa laga soo saarayaa. Kalkaalisada ayaa dul saari doonta sharooto faleebbaha si ay jirka ugu dhejiso. Hadduu rabo ilmuhu wuxuu daawanayaa ciyaar, buugaag, taleefashin ama shaashad xalleefsan. Marar qaarkood, carruurta qaar ayaa heeso qaada ama hadal kale ayaa lagu mashquuliyaa.



Mararka qaarkood dhakhtarka ayaa amri kara in uu wadnaha ilmaha xoogaa garaac ah sameeyo inta la sawirayo, oo waa hab lagu arki karo xididdada yaryar ee wadnaha. Waxaa baarista ka hor ilmaha la siin karaa daawo, oo waa kaniin yar oo biyo lagu laqi doono. Daawadaas wax xanuun ah ma laha haba yaraatee oo lama dareemi karo.

Kalkaalisada ayaa ilmaha ku kaxeyneysa kursiga curyaanka si ay ugu geyso mashiinka sawirka. Waalidku qolka mashiinka ayey u soo raaci karaan, balse waa in ay ka baxaan oo ay ku sugaan qol kale oo ku dheggan ilaa iyo inta uu daqiiqado yar sawirku ugu soo dhammaado.





Mashiinka sawirka waxa uu u eg yahay wax weyn, oo furan, oo leh qaab ah tuubbo. Waxa uu leeyahay nalal iftiimaya, oo ilmaha ayaa kala dooran kara midabka ay rabaan! Waxa uu ilmuhu la kulmi doonaa shaqaalaha ka qaadaya sawirrada wadnaha. Waa lala hadli doonaa ilmaha inta ay baaristu u socoto oo su'aalo ayaa la weydiin doonaa.



Waa inuu ilmuhu dhabar-dhabar ugu seexo sariirta mashiinka.
Sariirta ayaa gudaha u galeysa godka oo hadba ka soo baxaysa,
markaas ayaa ilmaha suun dhexda ama lugaha loogu xirayaa.



Shaqaaluhu waxay wax ku dhejin karaan xabadka iyo cududda si loogu tiriyo garaaca wadnaha.



Marka xigta, shaqaalaha ayaa ilmaha u sheegaya in uu gacmaha ka hoos mariyo madaxa. Sababtu waa in gacmahayga laga fogeeyo qeybta wadnaha ah ee la sawirayo. Waxa kale oo ilmaha loo sheegi doonaa dhowr ilbiriqsi oo ah qaadashada neef la isku celinayo.

Shaqaalaha ayaa faleebbaha ku xiraya mashiin gaar ah oo daawadu ka soo baxayso. Waxaa faleebbaha lagu tijaabinayaa biyo ah cusbo yar (oo dareere ah), oo ah wax qabow. Dareenka qabowga ah waa wax la dareemayo laakiin wax dhib ah ma laha.





Sariirta mashiinka ayaa hadba u soconeysa horay iyo gadaal. Mashiin gaar ah ayaa ilmaha laga siin doonaa daawada lagu arkayo xididdada gudaha. Jirka ayaa xoogaa kululaan doona, oo waxaa la dareemi karaa sidii iyadoo la isku kaadinayo! Shaqaalaha ayaa u sheegi doona marka ay neefta isku celin doonaan si looga qaado sawirka wadnaha – oo badanaa waa hal ama laba jeer.



Dabadeedna shaqaalaha ayaa qol yar geli doona oo qaadi doona sawirrada wadnaha. Kalkaalisada iyo dhakhtar ayaa sidoo kale joogi doona qolka yar. Waxa ay maqlayaan oo ay mar kasta kaamarad ku arki karaan sawirrada la iga qaadayo. Sidaan ayey u eg tahay qeybta hore ee mashiinka.

Waxa keliya ee uu ilmuhu ku jirayo qolka mashiinka waa ilaa 15 daqiiqo, ka dibna kalkaalisada iyo waalidka ayaa u imaan doona.






Kalkaaliso faleebbaha ka saareysa ayaa ka cabbireysa cadaadiska dhiigga iyo garaaca wadnaha. Waxaa ilmaha la siinayaa cunto fudud oo dharkii uu xirnaa ayaa loo gelinayaa. Waa in ilmaha la siiyo biyo aad u badan baaristu marka ay u soo dhammaato ka dib.

Wakhti yar ka dib,
ballantu sidaas ayey ku
dhammaaneysaa oo guriga
ayaa la aadayaa. Sawirka
CT waa hawl fudud oo aad
muhiim u ah!





Sawirrada raajadan casriga ah waxaa dhakhtarka loogu diri doonaa hab shaashad ah, oo waxaa looga dhigi doonaa sawirro ah dhinac kasta ama 3D. Dhakhtarka ayaa ballanta kale waalidka tusi doona sawirradii oo dhan.

SI AAD U QABSATO BALLANTA CT EE WADNAHA AMA WIXII SU'AALO AH,
fadlan kala soo xiriir Children's Heart Clinic 612-813-8800.

